

# Golf cun ballapei, in sport dinamic

Turnier da Footgolf a Sedrun/Selva

DA PAUL DUFF/FMR

■ La fin d'jamna vargada han ils golfists dil Club da golf Sedrun surschau la piazza da golf als giugadurs da ballapei. 60 giugadurs e giugaduras han profitau dalla bellezia aura e d'in plaz da giug ch'ha pretendiu dad ellus ed

**els da giugar cun tactica ed a moda attacconta.** Tier Footgolf ein buca duas equipas che giogan in'encunter l'autra. Igl ei sco da dar golf, mintga giugadura ni giugadur ha in bal e dat cun quel sur ils irals da golf per sittar la balla en la ruosna da circa 30 centimeters radius. Quella e quel ch'ha las pli paucas fridas

ha gudignau il giug. Sco el turnier da golf dattan era ils footgolfists ils turniers sin 18 ruosnas. Il giug ei enconuschents cunzun el Svizra franzosa, en Frontschia ed en l'Italia. Ils megliers giugadurs veggan selecziunai per l'equipa naziunala che gioga encunter equipas naziunalas d'autras tiaras.

Il turnier ha giu liug gia la secunda gada sin la piazza da golf a Selva. Ils participantis han ludau il bi plaz e taxau quel per zun pretensiuns da giugar. Quei ha lu era selecziunau, ils emprems han duvrau in tierz pli paucas fridas ch'ils davos rangai. Muort la situaziun da restricziuns da corona ein mo singuls giugadurs digl exterior vegni a Selva. Ils organisaturs dalla Swiss Footgolf Tour ein denton stai satisfatgs ch'il turnier ha insumma saviu vegnir fatgs. Cun ina tscheina e la rangaziun ei la sentupada ida a fin. Igl onn proxim suonda in ulteriori turnier sin la piazza dil Club da golf Sedrun.

#### Rangaziun singula umens:

- |  |         |
|--|---------|
| 1. Octavio Rodrigues CS Interstar Footgolf | Pts 150 |
| 2. Lionel Jacot, Etoile Carouge Footgolf   | Pts 130 |
| 3. Frederic Simoes, CS Interstar Footgolf  | Pts 130 |

#### Rangaziun singula dunnas:

- |  |        |
|--|--------|
| 1. Charazet Boussanoune Etoile Carouge | Pts 75 |
| 2. Lucile Rochat Etoile Carouge        | Pts 65 |
| 3. Sirine Ben Khelifa CS Interstar     | Pts 55 |

#### Equipas:

- |                            |
|----------------------------|
| 1. Etoile Carouge Footgolf |
| 2. CS Interstar Footgolf   |
| 3. Lausanne Footgolf Club  |



Las dunnas demuossan lur bunas qualitads da giug.

FOTO P.DUFF